



Rimnada sistemica da dretg communal dalla vischnaunca da Sagogn

Nummera **2100.01**

Tetel **Lescha da scola**

Edizium Edizium dils 29.05.2013

Remplazza revisiun dils 10.12.2010
Edizium dils 17.06.2005

Valeivel 13.06.2013

Remarcas preliminaras

Ord motivs da simplificaziun serefereschan indicaziuns da persunas, funcziuns e mistregns en questa publicaziun uffiziala mintgamai sin omisduas schlatteinas, expriu ch'ei vegn menziunau explicit zatgei auter.

Davosa correctura informala 07.11.2017 tras Thomas

Cuntegn

I. Disposiziuns generalas	3
II. Las personas d'instrucziun	4
III. Meinascola	4
IV. Il cussegl da scola	4
V. Via legala	7
VI. Disposiziun finala	8

Sebasond sin art. 20 dalla lescha da scola dil cantun Grischun dils 21 da mars 2012 ed artechel 51-53 dalla constituziun communal relai la vischnaunca da Sagogn suandonta lescha da scola:

I. Disposiziuns generalas

Scalems da
scola

Art. 1

¹ Il pertader dalla scola meina ils suandonts scalems da scola:

1. scoletta
2. scola primara

Obligaziun dad ir
a scola, liug ed
viseta gratuita

Art. 2

¹ L'obligaziun dad ir a scola, il liug da scola ed la viseta gratuita sedrezza tenor las disposiziuns dalla legislaziun cantunala.

² La participaziun al scalem da scoletta ei per affons da lungatg iester obligatoric.

Temps da bloc

Art. 3

¹ Il pertader dalla scola garantescha sin scalem dalla scoletta e dalla scola primara il temps da bloc prescrets cantunal.

Structuras dil gi

Art. 4

¹ Il pertader dalla scola porscha structuras dil gi supplementaras sche quei fa basegns.

Purschidas
supplementaras

Art. 5

¹ En cass da basegns sa il pertader dalla scola scaffir purschidas supplementaras sco lavur sociala da scola ni ina purschida da «Time-Out».

² Era vegnan purschidas supplementaras per scolars cun talents specials endrizzadas sche necessari.

Mesiras semplas
da pedagogia
speziala

Art. 6

¹ Per las ordinaziuns ed execuziuns dallas mesiras semplas da pedagogia speziala ei il pertader dalla scola responsabels.

Scola da talents e classa da talents **Art. 7**
1 Il purtader dalla scola sa menar ina scola da talents resp. ina classa da talents per scolaras e scolars cun talents specials, specialmein el sector da sport.

Attestat, promoziun **Art. 8**
1 L'emissiun dils attestats e la promoziun sedrezzan tenor las disposiziuns dalla legislaziun cantunala da scola.

II. Las personas d'instrucziun

Relaziun d'engaschament **Art. 9**
1 Las personas d'instrucziun ein emploiadas dil purtader dalla scola.

2 La relaziun d'engaschament dallas personas d'instrucziun sebasas, observond la legislaziun cantunala respectiva, sin in contract da dretg public.

III. Meinascola

Meinascola **Art. 10**
1 Il purtader dalla scola sa engaschar in meinascola.

IV. Il cussegl da scola

Organisaziun **Art. 11**
1 Il cussegl da scola consista da tschun commembers e seconstituescha sez. Il cussegl da scola vegn menaus dalla presidenta/dil president dil cussegl da scola.

2 Il cussegl da scola vegn convocaus dalla presidenta/dil president dil cussegl da scola aschi savens che las fatschentas damondan ei, ni sch'in commember dil cussegl da scola pretenda quei.

3 Allas sedutas dil cussegl da scola san sche necessari vegnir envidadas personas supplementaras cun vusch consultativa.

⁴ Davart las tractativas eis ei da scriver in protocol.

Cumpetenzza da
decider

Art. 12

¹ La cumpetenzza da decider dil cussegl da scola sedrezza tenor las prescripziuns dil dretg communal vertent.

Obligaziuns e
cumpetenzzas

Art. 13

¹ Il cussegl da scola meina e survigilescha la scola ed ei responsabels per l'execuziun dalla legislaziun cantunala e communal da scola. El ademplescha tut las incumbensas da scola ch'ei buca surdadas tras leschas cantunalas ni communalas ad in'otra autoritad ni instanza.

² El ha surtut suandontas obligaziuns:

1. decider davart l'entrada prematura ni l'entrada posteriura en scoletta ni scola primara;
2. decider davart cuntinuaziun digl onn da scola en ina classa pli bassa en cass da surdamonda d'ina scolara ni d'in scolar;
3. decider davart il sursigilir ina classa en cass da sutdamonda d'ina scolara ni d'in scolar
4. decider davart in sustegn special per scolaras ni scolar da lungatg iester
5. decider davart mesiras semplas da pedagogia speziala;
6. decider davart ina exclusuin d'in affon duront il temps da scola obligatoric;
7. decider davart la relaschada d'in affon sil pli baul suenter otg onns d'instrucziun obligatorica;
8. decider davart il frequentar onns supplementars d'instrucziun suenter haver adempriu ils onns d'instrucziun obligatorics;

9. decider davart ina exclusiun d'in affon durant il temps supplementar suenter il temps da scola obligatoric;
10. decider davart ina recepziun d'in affon d'in auter purtader da scola sco era sur dalla summa dalla taxa da scola;
11. fixar las vacanzas da scola – expriu las vacanzas d'atun e da Nadal – en cunvegnientscha e coordinaziun cun ils cussegls scola dalla regiun sco era il declarar obligatoric da occasiuns da scola specials durant suentermiezdis libers ni sondas;
12. relaschar in uorden d'absenzas e da congedis
13. relaschar in uorden disciplinar
14. engaschar e relaschar personas d'instrucziun e personas auxiliaras
15. edir in carnet da duers per il meinascola
16. relaschar in uorden davart il perfecziunament ed in congedi da perfecziunament dallas personas d'instrucziun e dil meinascola;
17. punir surpassaments encunter art. 68 dalla lescha cantunala da scola
18. nominar la miedia/il miedi da scola e la dentista/il dentist da scola sco era organisar il survetsch medicinal da scola e la tgira da dents per scolaras e scolars
19. budgetar las cumpras da mieds dinstrucziun per mauns dall'istanza communal cumpetenta
20. decider davart expensas unicas buca budgetadas tochen la summa da fr. 4'000.- ad onn.

Presidenta/president dil cussegl da scola

Art. 14

¹ La presidenta/il president dil cussegl da scola ha surtut las suandontas obligaziuns:

1. representar il cussegl da scola anoviars;
2. preparar las fatschentas dil cussegl da scola;
3. procurar per la realisaziun dils conclus pri.

² En cass urgents pren la presidenta/il president dil cussegl da scola las mesiras necessarias che concernan il camp da competenza dil cussegl da scola. Tenor pusseivladad decida il cussegl da scola definitivamein en caussa a caschun da sia proxima seduta.

V. Via legala

Via legala

Art. 15

¹ Recuors encunter decisiuns e disposiziuns dallas persunas d'instrucziun, dil meinascola ni dalla presidenta/dil president dil cussegl da scola ei d'inoltrar en scret al cussegl da scola enteifer 10 gis.

² Encunter decisiuns e disposiziuns dil cussegl da scola en caussas da scola san las persunas pertuccadas directamein far recuors tier il departament d'educaziun, cultura e protezziun digl ambient enteifer 10 dis, aschilunsch che la lescha cantunala da scola dispona buc enzatgei auter.

³ Il recuors encunter disposiziuns davart la promoziun ni la nunpromoziun san las persunas pertuccadas directamein inoltrar agl uffeci per la scola populara ed il sport enteifer 10 gis. Igl uffeci sa preveder in procedere special per il giudicament d'admissiun tenor protesta.

VI. Disposiziun finala

Entrada en vigur **Art. 16**

¹ Quella lescha da scola entra en vigur cun l'approbaziun dalla radunonza communal e cun l'approbaziun dil departament d'educaziun, cultura e protecziun digl ambient sin ils 01.08.2013. Ella remplazza igl uorden da scola vertent cun tut las completaziuns approbadas tochen ils 13.06.2013.

Ediu tras			
Acceptau tras	radunonza communal	ils	13.06.2013
Controllau tras	regenza dil cantun GR	ils	
Publicaziun ufficala dalla vischnaunca da Sagogn.			